

姚州志卷之十

督憲岑

學憲盧

鑒定

州尊

陸易

正定

貢生甘雨輯

府憲陳

詩藝文志之八

曾張李

○五言古

布政使司行署

明提學
副使彭綱

曉發姚安府西山碧參差好風泠然來乘之度險巇始困
熱不勝頓覺寒侵肌問之促輿人風土是如斯平川忽見

透深箒驚復迷安知白雲裏不有羣真棲崖泉泐然流林
木增悽悲杜鵑果知已聲聲催人歸我歌行路難車馬真
堪疑

贈德豐寺僧

總鎮沐昂

人生天壤間賦秉有恆性何以導愚蒙啓迪賴賢聖修身
及窮理工夫在安靜象教自西來亦復發深省斯人惠遠
流而能得要領雲開山月白鶴唳秋天迴心跡兩相忘是
乃真如境

光明宮八詠

分守參議胡億

平原覽勝

四野俱豁目惟茲獨平曠開戶一望之胸次絕無障山鳥
何分明隄柳自條暢蕎齊粉畫張桃野錦屏放行人塞路
歧田婦各相餉鄉思忽湧生故園共情況

青峯拱秀

登臨絕頂來遠山始入目隱隱數峯青山外自攢簇雲靜
見長空雪消出萬木峯色如有情直入秀可掬吾聞有道
人往往住石屋豈無駐顏藥採秀堪追逐當年諸葛公平
南兵此宿山隈祠像存春秋祀典肅大名齊高峯不死同

如州志
卷十
賦
辟穀長生與盡瘁覽者細詳讀

村郭觀風

策馬出東門煙村附城郭壘土亂垣墻茅屋半綢索此是
誰家風農戶甘淡泊亦有蔬幾畦老人親種作穉子呼阿
爺牧童睡牛角兒女各當家田園足真樂問之何能爾吏
靜民自若

白塔標奇

閣前塔何在後眺何標奇眾山悉崢嶸一塔騰虬螭粉色
削如玉參天獨撐持春花光掩映冬雪不受欺標格誰與

此特立儒庶幾借問寺菩薩色空還信疑浮屠本象教上
乘非所資擬作菩提樹靈根塵絕離此塔堪說法何從問
禪師

東海澄波

樂山還樂水好景亦難裁獨有東窗外一海傍山隈水面
平如鏡澄清無纖埃日夕象緯列徹底任昭回海岸人來
往安穩絕驚猜我欲往酌之誰爲礙去來聖澤本汪濊小
臣取一杯萬里鯨波靖於此得悠哉

南薰淑氣

有風自南來薰然洗心熱吾皇扇淑氣宇內散愁結憑闌
一以眺民物盡熙悅鼓腹且含哺昭蘇無夭折協和躋唐
虞謳歌自擊節倚歎五絃琴無聲向誰說

西山古刹

西倚何所見渺渺古蹟存山泉各名寺寺主祖復孫山意
無今古泉聲隨乾坤他日寺中客新閣指舊論人心何不
古棄舊新是恩登臨增感慨徘徊月黃昏

北極祥光

天北一道光炯然昭萬里但見四表星週圍遶無已燕山

傍紫宸少壯曾遊止何當鞭風霆雙闕肅佩履吾君建皇
極無爲葛天氏順則歌太平天象同一理祥光射閣端身
疑在朝市

祈雨後旣而甚雨獨坐書懷用坡公和劉景文登介

亭韻

知州管
綸武進人

滇南午未交氣涼少炎溽天公令不再一雨十日足決渠
聽鳩鳴奔練瀉溪涿蛙怒鼓隴頭水肥漲溯腹卷舒任白
雲隱見忽山麓沿隄盡平疇形勢互起伏時聞農唱傳或
聽樵歌逐良苗美懷新倉箱想在目地昔傳濮髯左肅僭

黃屋亦同夜郎雄。幾更世代速紀遊。所罕聞賢豪不畱躅。
宦迹偶然至。砭砭溷荆玉。最喜雨景宜。南宮山六幅中有。
大隱存抱書歌。且讀莫言管甯儒。無效賈誼哭前遊。兩蠻
荒茲行已三續。別穴笑蠡蟻萬事看蠻觸。海南與摩圍中
天兩坡谷暫來賢。不免信美我豈欲祇期劇。茯苓長生論
食服。

杪秋偕李若蘇江涵虛遊青蓮寺用明郭文登太華

蘭若原韻柬梅庵上人

楊鳳翔

武進人

秋高多野陰。瀾瀾一灣水。古寺靜無人。恍入幽巖裏。花黏

傍檻裾苔印登橋履慈航禮佛像悟空自茲始

行行上高樓極目路通緬西山簇秋色颯爽意蕭遠紫薇
映日明紅棠經雨輒愛此花木幽清談一消遣

雨載牧姚富教無術今權蒙陽都人士東郊祖帳情

各依依感而作此寄伸心曲

知州方若麟

昔儒服古時志卽在蒼生先憂而後樂芳畱青史名山林
未出日斯志苦相縈釋褐萬里來棒檄至滇平弄棟古名
區川右半壁城撫字如乏術難牧蚩蚩氓中心起百憂清
夜且復驚詎憶此邦人噩噩復渾渾士女尙耕織閭閻風

俗敦書聲聽琳瑯稻花香滿村閒花落訟庭雀鼠寂無喧
熙熙順

帝則不識獄吏尊爲訪英耆屬更求民疾苦僉曰盜賊息四野
民安堵且值豐稔年哺含而腹鼓惟此蛉川水其害甚狼
虎每當苦霪時萬壑洪波聚橫亙六十里中流缺砥柱陽
侯逞其威汪洋似江潯遂使膏腴田蕪穢委葑蕀爲患數
十秋殷憂伊誰杜使君念民瘼高阜曷一睹策馬上高阜
目擊心先憫奔騰匯巨浸淼淼環村塢吁嗟八千頃蕩然
置水府何以裕民生何以供

天庾公退常徘徊策挽狂瀾計暇延英耆詢何術歸康濟僉曰
待治人利導因其勢水患之方殷下流實牽制貫注復逆
流斯所以爲厲治水如治民宜宣勿宜閉鳩工疏濬時水
涸冬晴際良言甫入耳寸心已相契朔風吹堅冰元冥司
冬令庶民若子來拱聽使君命綜理付諸耆刺史作董正
畚鑕一時興萬鋤揮相競不避泥塗苦何云砂石勁期未
及十旬長河一變更夾岸植桑柳水平沙自淨擬待春暖
時雨隄紛版築詎知得意事十九止五六移量權蒙陽除
書下何速爲山九仞成一簣崇朝覆吁嗟八千頃懼復長

苒苒惟乞新使君時艱厪念觸勿效舊令尹三年徒碌碌
束裝辭綠野振轡赴征程黃髮垂髻者祖帳餞東城黯黯
扶鳩杖彬彬酌兕觥舉杯不能飲父老淚縱橫言難分
袂止止復行行登高回首望萬目送行旌跨鞍內自省戀
舊欲失聲於古愧龔黃於今慚

聖明虛名豈易副敢云我獨清花箋半幅贈聊訴別離情寄語
諸君子還雲付便伴

○七言古

金沙江

元烏蒙
宣慰 李京

雨中夜過金沙江五月渡瀘卽此地兩岸峻極若登天下
視此江如井底三月頭九月尾煙瘴拍天如霧起我行適
當六月末王事役人安敢避來從滇池至越雋畏途一千
三百里干戈浩蕩豺虎穴晝不遑宵夜不寐憶昔先帝南
征日簞食壺漿竟臣妾撫之以寬來以德五十餘年爲樂
國一朝賊臣肆胸臆生事邀功作邊隙可憐三十七部民
魚肉豈能分玉石君不見雲南安危在一人莫道今無蹇
典赤

感龍歌

并序

明知府
趙良華

予蒞政之明年丁亥歲旱一春無雨農告病節放塘
壩積水以助灌溉農得布種而秧至夏四五月間天
猶不雨予甚憂之州司白予請祭龍予詰之乃曰城
南十里許名曰白石地有龍歲時有司具牲牢酒醴
祭之以祈雨蓋故事也予再詰之一無靈驗予曰雨
無與於祭龍也盍去之以省費州司遂不復行而於
費亦稍省焉因歎龍之無功享祀不職以自傲遂爲
之歌歌曰

勿祭龍勿祭龍祭龍總是空龍蟠洞不見人祭龍無功昊

天示我戒旱暵丁我躬自返政無缺何爲遭年凶問龍何
夢幻仰天何穹窿龍旣不能語天若難爲通雲旣不能作
雨亦不能濛欲射紅火輪因無后羿弓赤郊欲龜折綠野
欲然紅稼胡能彳彳苗胡能芄芃民食何由足公庾敢望
充我茲初剖符天其爲乾封龍兮龍兮直不聰何不飛訴
天之宮何不噓氣成雲霧何不吐氣爲霓虹何不爲十雨
何不爲五風何不爲田見何不爲雲從何不明珠而夜照
何不健鬣而膏狎何不駕五色之車而南何不障百川之
水而東何不沛化雨於八表何不鼓仁風於九重何不造

化乎參替何不天地乎彌縫徒偃蹇而不躍徒潛藏而弗
庸廟宇峻起而等王屋歲時伏臘而走村翁徒玉璧來盡
瘁之奠徒幣帛來燔燎之供非神諂不義非類歆不忠方
將崇正道豈能瀆淫朋安得霹靂斧碎此蠅蚋雄人言感
龍歌可以勸臣工

蜻蛉謠

明修撰

楊

慎

新都人

蜻蛉川礪礪野鐵箐窮崖飛鳥不下魑結成羣行白日腥
風灑擊我犛牛驅竿馬金雞廟前無行者使君坐紫城桴
鼓臥不鳴蒼山平洱水清守犬無夜驚行商達天明白羽